

Comité-Schnitzelbänk 1932.

Inselischtrolch.

(E Farbesymphonic.)

I kumm zue Eich als — Bündelmaa,
Me ka do alli — Farbe ha!
Ob Aine hylt, ob — Aine lacht:
's Läbe-n-isch — ai Farbepracht!
Und isch Ain glänzig — uff em Hund,
Noh wird em erscht noh — 's Läbe r'bunt!

De Basler Bündel — gohts nit guet,
Me seht e kaini — uff kaim Huet,
D'Bandfabrike — die schtehn schtill,
D'Basler Frau macht — was sie will!
's trait uff em Huet hit — jedi Gans,
E glänzig schwarze — Giggelschwanz!

Am e Hochzytsfrass, dert — in der Schpale,
Sin 300 — Shtai zum zable!
Dr Beütigam wird — wyss und rot,
Wo-n-cr schtill — dar' d'Latte goht!
Sy armi Brut, das — Schwebemaitli —
Nimmt d'Polizei, im — Hochzytsklaidli!

Dr Petersplatz isch — so scheen grien,
Wil d'Boebe d'Baim als — schritze tiem!
Jetz gif's e Pissoir — Gottfriedschtutz!
Vor Zorn wird gäl — dr Haimetschutz,
Dr Hebel, dä tuet — schmunzle, blinzle,
Er sott scho lang — emol geh brinzle!

Z'Sant Josef wohnt — e schwarze Maa,
Dä luegt d'Turnlehrere — ganz gnau a.
Ihr Turnklaid darf — nyt rosigs zaige,
Dä wird verruggt, gheer's — nit sy aige!
E so-ne Gsinig — gehé allmähli
Scho-n-e klai — ins Gäggeligäli!

Zwei K. P.-Manne — dunkelrot,
Hän Schmollis tranke — ziemlig schpoht.
Mit Liberal und — B. P. B.
Und Schurke syge's — kaini meh.
Im Siech hän gsait die Sovietmoler:
Mir pÿffe druff — es isch is wohler!

D'Ainheits-Sucht isch hochmodern,
D'Ainheits-Dubel — hän sie gern!
Ainheits-Prys und Ainheits-Kibel,
Ainheits-Mischt und Ainheits-Ibel!
Im Grosse Rot, schwarz, gäl, rot, wyss:
Ainheits-Gschnöre und Ainheits-Gsch...!

D'Polizische — die sin grien,
— im Gesicht au, wenn sie — schaffe mien! —
D'Nase nur, die scheeni netti —
Schtielet e klai — ins veieletli!
Und: so hef's halt — 's Schicksal glegt —
Rot wird Kaine — wenn er — d'Wohret sait!

Kunstmuseum — Hallebad —
Rhybrugg — Hochschule — ai Salat!
Fidleburger-Tatedrang
's wird aim vor dr — schwarz und bang!
Sie schmirzele-n-e — Menschenalter,
Die gälgrienkepfige — Kämischpalter!

Kemme-n-Alli am Sunnigzrobe-n — an Schlussebe vo de
Comité-Schnitzelbängg!

